

# SENESISI - Marusa Kamana Agowane

## Sapata 1

### 1:1-25 Koti A'ya'waemaena Puntiyе

1-5 Paitaka Kotiba mantabe mabe aborantiye. Mara a'ya'waemaena kampa waintogana, Koti aumawampa wani nkabobori aepa'ma mintogana, a'ya'ma maba tunusu wantiye. (3) Kotiba Arao yogana arantiye. Araogana aogima agate Arane untiye. Ka'iba tunusogana Kotiba Asekane untiye. Pigoyema, pi ntagaba marusa yagawe.

6-8 Kotiba kamana yogana, ibinapa wanipintisa kirite iyogana, kana ibinakaba Kotiba Mantawe untiye. Pigoyema, pi ntagaba tara yagawe.

---

(3) 2 Korintiyoni 4:6

(6-8) 2 Pita 3:5

9-10 Kotiba kamana yogana, tabe wani aigaga  
purite ka auka'i akibogana ka auka'i uwa maba  
waintantiye.

11-13 Kotiba kamana yogana, a'ya'ma kabuyena  
aboraagana a'ya'ma tona tona ya irantiye.  
A'ya'waemaenama aosawampa tumima ta'urite  
uwaena intiye. Pigoyema, pi ntagaba kakaka  
yagawe.

14-19 Kotiba kamana yogana, pape ope noribe  
aborantiye. Papa ara waiyekana ope noribe  
asenabinti waiyene untiye. Piya ute atantana  
e'wasa pogana' yoga yagabe uwa yagabe puntiye.  
Pigoyema, pi ntagaba tarawa tarawaki yagawe.

20-23 Kotiba kamana yogana, wanipintisa  
kinapa a'ya'ma aboraogana, awarontonto  
ma'ataogana uwoma mintantawe. Pigoyema, pi  
ntagaba nayaka'mu yagawe.

---

24-25 Kotiba kamana yogana, a'ya'waemaena  
umugaba mara aborantiye. A'ya'ma kuyabe mabi  
nasi nasi pikena kinape Kotiba pogana,  
ma'ataogana uwaena mintantawe.

(1:29-30; 2:9a) Koti ima maenta kinapa kabu  
naninta imogini nantawe.

1:26-2:25 Koti Wasana Aborantiye

1:26-2:25 Koti wasana aborantiye. (26-27)  
Wage wayake puma ae'wankaoga aborawaisitantiye.

Sapata 2

Kotiba tete ma maema akara puma wasana patate,  
(7) amopi auma pukataogana wasana aogima  
mintantiye. Kotiba agewapa Antamuwe omintiye.  
Kotiba tabe yoga patate Antamupa ababute  
pi ntogabinti atantiye. Kana yogaba Inteni

---

(26-27) 1 Korintiyoni 11:7; Matiyu 19:4; Maka 10:6  
(7) 1 Korintiyoni 15:45

mari anompa nkagora waintantiye.

(9b) Kana yoga akapi ka ya waintogana wasanaba nakibipa kampa purikiye. To ka ya, aogi napikenaena maekena ya, waintantiye. Pigoyema, Koti Antamu kamana omintiye: Kaeba yoga aogima kabima miyo! Yogabisa kanarana ma ntama nkapa maema nao! Yoga akapi ka ya waintogana, pi ntama nkapa maema nakibempepa aogi napikenaena ata napikenaena maekibene. Pi ntawama nka'wapa antao! Nakibempepa purikibene, omintiye.

A'ya'ma umugababe kabarape Koti maema pi ntagara amogana, Antamu igewaipa uwaimintiye. Uwaimogana Kotiba kamana untiye: A'yugu Antamu abiwa mikiye. Waya pekana aege mima ao'maema anarantana puma mikibese, umagina, Koti Antamu potaogana kuntama auwaintiye. Auwaiyogana ka

---

(9b) Areberaesoni 2:7; 22:2,14

ayata aparebuma asu'abotate ayatarasa waya  
puntiye. Antamu asiyogana kana waepa Koti  
ababute Antamu amintiye. Antamu waya'wa  
agategina, Naekantama miyene omintiye. Kotiba  
nayatarasa pugatagi kagegapa Wayakawe ugamuwe,  
omintiye.

Piya puma ibasa yagaba wasanama ano abapa  
atate waya'wake mima, ka kinakanta puma miyese.

Pigoyema, Yakarantonto yakari puwaitamagirisi  
a'ya'waemaenara kabiyiso! Koti uwaisimintiye.  
Isika mimaginisini kampa isini puntase.

A'ya'waemaena ayapisa Koti patate aogima  
agantiye. Pigoyema, pi ntagaba tonaentisa  
ka'umaema yagawe.

(2) Eri'ya'wapa a'ya'waemaena puwaitate,  
tonaentisa tarumaema yaga Koti migaramagina,

---

(2) Iburu 4:4,10

kana yaga Tona yagawe untiye.

### Sapata 3

#### 3:1-24 Wasana Ataena Puntiy

1-7 (1) Kuyawama esegima napima waya'ma kamana omintiye: Kotiba nanawe ugamiye? A'ya'waemaena yama nka yogarisa kampa maema nakibeso? abigaogana, Yama nkapa nakenaenawe. Ka akapintisa ya akumpa'ma mintiye. Pi nta aukaya pukubomepa purukuse, waya omintiye. Omogana, Kampa purikibese, omintiye. Aogi napikenaena ata napikenaena maekibese. Koti abintiye. Tisigeba aekanta puma mikibese. Kuyawama omogana, kana waepa yama nka agaogana abugaogana maema nantiye. Aeba maema nantana awaepa amogana aeba nantiye. Pigoyema isigeba natate abitantinisi isikama agama ya a'ye

---

(1) Areberaesoni 12:9; 20:2

maemaginisí awaema kaiwaisi amintase.

8-21 Atamipa Kotiba yogabinti nasintiye. Koti abaresoginisi abite Antamuge waya'wake isiyegaka ya agobinti kaka wantase. Kotiba Aeta mintase uma kega'e uma yogana, Antamu omintiye: Kaeba abareseka abuwe. Naukama mintotisa karu'ena naegaka kakauwe, omogana, Ke ugamegina akumpa'ma minto yama nkapa maema nane? abigaogana, Kaega pi nkaepa namitane. Aeba yama nka maema namegi nauwe, Kotipa omintiye. (13) Kuyawama kampari unamegi yama nka maema nauwe, kana wae'ma untiye.

Pigoyema, Kotiba kuya omintiye: Ataena pempekana mabinti kantagawarisa nasikibene. (15) Awarogampage waya'ma ntagaramage ma'ena puma miyisigina kaeba agisawapa aba nagana aeba ka'no kaegukiye, kuyawamaba omima, waya piya

---

(13) 2 Korintiyoni 11:3; 1 Timoti 2:14

(15) Areberaesoni 12:17

omintiye. Yagara yakari pikibempepa ata  
kaukigakiye. Kawae nkagagana kabigatakiye.  
(17-18) Koti Antamupa kamana omintiye: Pintena  
ataena pempeka yonibe ata kabuyenabe mabisa  
irakiye. Tabe eri'ya puyaba mima mabisa  
naninta maema nakibene. Marasa akara puma  
pugataokana toganaba maena pu'wakibene. Omima,  
Koti umugabawama au'ari maema kai  
puwaisimoginisi atantase. Antamu waya'wampa  
ageba Ibiwe omogana a'ya'ma kina inowaimpa  
mintantiye.

22-24 Antamuge Ibige aogiyena ataena  
abintase. (22) A'yugu wasanama e'wasaena  
maekena yama nka nakibewe, ute, Koti  
isigaruba'ma aogi yoga awamori kabima miken  
kina itaogana pi ntama nkata kabima mintantawe.  
Pigoyema, wage wayake aogi yoga atateginisi to  
mari wama agobima o'ena puntase.

---

(17-18) Iburu 6:8

(22) Areberaesoni 22:14

8 GENESIS ABRIDGEMENT  
*FORE*

Printed and published by the  
SUMMER INSTITUTE OF LINGUISTICS  
Ukarumpa, Territory of New Guinea  
November, 1966